

*Na osnovu člana 24. Zakona o budžetima – proračunima u Federaciji Bosne i Hercegovine („Službene novine Federacije BiH“, broj 19/06), člana 38. tačka 3. Zakona o udruženjima i fondacijama („Službene novine Federacije BiH“, broj 45/02), člana 13. Zakona o principima lokalne samouprave („Službene novine Federacije BiH“, broj 49/06), te člana 3. i člana 25. Statuta Općine Stari Grad Sarajevo – Prečišćeni tekst („Službene novine Kantona Sarajevo“, broj 31/08), Općinsko vijeće Stari Grad Sarajevo, na sjednici održanoj dana ..... 2014.godine, donijelo je*

*N a c r t*

## **O D L U K U**

### ***o jedinstvenim kriterijima za raspodjelu sredstava obezbjeđenih u Budžetu Općine Stari Grad Sarajevo za finansiranje rada boračkih udruženja***

#### **Član 1.**

*Ovom Odlukom utvrđuju se kriteriji za raspodjelu sredstava za redovan rad boračkih Udruženja obezbjeđenih u Budžetu Općine Stari Grad Sarajevo za tekuću godinu.*

#### **Član 2.**

*Pravo na dodjelu sredstava iz Budžeta imaju Općinska boračka Udruženja registrovana u skladu sa Zakonom o udruženjima i fondacijama („Službene novine Federacije BiH“, broj 45/02), a koja imaju sjedište na području Općine Stari Grad Sarajevo.*

#### **Član 3.**

- 1) Sredstva se dodjeljuju na osnovu Javnog poziva.*
- 2) Javni poziv se objavljuje u sredstvima informisanja i na zvaničnoj web-stranici Općine Stari Grad Sarajevo.*
- 3) Javni poziv za raspodjelu sredstava raspisuje Općinski Načelnik i traje 15 (petnaest) dana od dana objavljivanja.*
- 4) Odluku o raspodjeli sredstava iz granta za Općinska boračka Udruženja donosi Općinsko vijeće Stari Grad Sarajevo.*

#### **Član 4.**

*Pravo prijave na Javni poziv imaju samo Općinska boračka Udruženja koja su registrovana sa sjedištem na području Općine Stari Grad Sarajevo, a koja ispunjavaju opće i posebne kriterije:*

## ***I - Opći kriteriji za raspodjelu sredstava***

- *Registriranost kod Ministarstva prave Kantona Sarajevo;*
- *Usvojeni izvještaj o radu Udruženja za prethodnu godinu od strane Skupštine Udruženja;*
- *Usvojeni finansijski izvještaj za prethodnu godinu od strane Skupštine Udruženja za utrošena budžetska sredstva i sredstva iz drugih izvora kojima se finansira Udruženje;*
- *Realizovani i započeti projekti iz prethodne godine;*
- *Program rada za narednu godinu sa obrazloženjem;*
- *Finansijski plan za narednu godinu;*
- *Osnovne aktivnosti Udruženja;*
- *Inovativnost u rješavanju potreba članstva;*
- *Da ni po kojem osnovu nemaju dugovanja prema Općini.*

## ***II - Posebni kriteriji za raspodjelu sredstava***

- *Organiziranost i broj članova Udruženja;*
- *Opravdanost broja uposlenih u Udruženju u odnosu na broj članova;*
- *Broj realizovanih projekata, iz opusa dodjeljenih sredstava za finansiranje redovnog rada Udruženja, u protekloj godini*
- *Aktivnosti Udruženja na očuvanju sjećanja na 1992.-1995. i 1941.-1945. godinu;*
- *Namjensko korišćenje sredstava u skladu sa ovom Odlukom;*
- *Saradnja i pomoć drugim Udruženjima.*

### ***Član 5.***

*Zahtjev za dodjelu sredstava po raspisanom Javnom pozivu, boračka Udruženja podnose Komisiji za pitanje boraca i žrtava rata Općinskog vijeća Stari Grad Sarajevo, na propisanom obrascu za aplikaciju koji je sastavni dio ove Odluke.*

### ***Član 6.***

*Korisnici dodjeljenih sredstava su obavezni dodjeljena sredstva koristiti namjenski na sljedeći način:*

- a) Do 90% dodjeljenih sredstava utrošiti za troškove rada Udruženja;*
- b) 10% i više dodjeljenih sredstava utrošiti na programe.*

### **Član 7.**

- 1) *Komisija za pitanje boraca i žrtava rata Općinskog vijeća Stari Grad Sarajevo, nakon uvida u priloženu dokumentaciju, utvrdit će da li su zadovoljeni opći i posebni kriteriji iz člana 4. ove Odluke, te će nakon provedenog postupka i prijedloga Jedinствене koordinacije temeljnih boračkih organizacija općine Stari Grad Sarajevo, dostaviti Općinskom vijeću Stari Grad Sarajevo prijedlog za donošenje Odluke o visini sredstava za svako pojedinačno Općinsko boračko Udruženje.*
- 2) *Visina sredstava za svako pojedinačno boračko Udruženje utvrđuje se Odlukom Općinskog vijeća Stari Grad Sarajevo o raspodjeli sredstava – Grant za Općinska boračka Udruženja.*
- 3) *Odobrena sredstva doznacavaju se na transakcijski račun Općinskih boračkih Udruženja u skladu sa dinamikom priliva sredstava u Budžet Općine.*

### **Član 8.**

- 1) *Općinska boračka Udruženja kojima su doznacena sredstva, u skladu sa odredbama ove Odluke, obavezna su dostaviti Izvještaj o utrošku sredstava ( prilog, kopija računa ili ugovora ) Općinskom vijeću Stari Grad Sarajevo i Općinskom Načelniku putem Službe za boračko – invalidsku zaštitu.*
- 2) *Općinska boračka Udruženja koja se, kod korišćenja sredstava, ne budu pridržavala odredaba ove Odluke, neće imati pravo učešća za dodjelu sredstava za narednu godinu.*

### **Član 9.**

*Stupanjem na snagu ove Odluke, prestaje da važi Odluka o jedinstvenim kriterijima za raspodjelu sredstava obezbjeđenih u Budžetu Općine Stari Grad Sarajevo za finansiranje boračkih Udruženja („Službene novine Kantona Sarajevo“, broj ...../10).*

### **Član 10.**

*Ova Odluka stupa na snagu danom donošenja na sjednici Općinskog vijeća Stari Grad Sarajevo, a naknadno će biti objavljena u „Službenim novinama Kantona Sarajevo“.*

*Broj: 02-49-*

*Sarajevo, oktobar 2014.godine*

**Predsjedavajući**

*m.p*

**Općinskog vijeća Stari Grad Sarajevo**

.....  
*Vedran Dodik*

## **O b r a z l o ž e n j e**

*Pravni osnov za donošenje ove Odluke je sadržan u članu 25. Statuta Općine Stari Grad Sarajevo – Prečišćeni tekst („Službene novine Kantona Sarajevo“, broj 31/08), u kojem je utvrđena nadležnost Općinskog vijeća Stari Grad Sarajevo da donosi odluke, druge propise i opća akta, i člana 3. Zakona o budžetima u Federaciji Bosne i Hercegovine („Službene novine Federacije BiH“, broj 19/06) u kojem je utvrđeno da se sredstva Budžeta koriste za finansiranje poslova, funkcija, programa organa Federacije Bosne i Hercegovine, odnosno Kantona, Gradova i Općina, kao i drugih korisnike budžeta u visini koja su neophodna za njihovo obavljanje i izvršenje u skladu sa članom 38. tačka 3. Zakona o udruženjima i fondacijama („Službene novine Federacije BiH“, broj 45/02).*

*Na osnovu gore navedenih pozitivnih propisa, Općinsko vijeća Stari Grad Sarajevo je svojim Zaključkom broj: ..... od ..... 2014.godine utvrdilo da se Odlukom o jedinstvenim kriterijima preciznije uredi finansiranje boračkih Udruženja, cijeneći mjesto i ulogu boračkih Udruženja i opredjeljenost organa lokalne samouprave za rješavanje ove materije u skladu sa članom 3. Statuta Općine Stari Grad Sarajevo – Prečišćeni tekst („Službene novine Kantona Sarajevo“, broj 31/08)*

## **OBRAZAC ZA APLIKACIJU**

*za dodjelu sredstava za finansiranje boračkih Udruženja Općine Stari Grad Sarajevo*

<b>1) PODACI O PODNOSIOCU ZAHTEVA</b>
<i>Naziv Udruženja:</i>
<i>Adresa, telefon, faks i e-mail:</i>
<i>Ime odgovorne osobe:</i>
<i>Ime kontakt osobe:</i>
<b>2) KRATAK OPIS DJELATNOSTI UDRUŽENJA</b>
<b>3) CILJEVI UDRUŽENJA</b>
<b>4) AKTIVNOSTI (dosadašnje, sadašnje i planirane)</b>
<b>5) POTREBNA SREDSTVA ZA RAD UDRUŽENJA (troškovi rada udruženja sa obrazloženjem)</b>
<b>6) PROGRAMI - PROJEKTI: *</b>
<b>7) POTREBNA SREDSTVA ZA PROJEKTE - PROGRAME</b>
<b>8) PRILOZI:</b> <ul style="list-style-type: none"><li>➤ <i>Rješenje o registraciji u Ministarstvu pravde</i></li><li>➤ <i>Program rada za narednu godinu</i></li><li>➤ <i>Finansijski plan za narednu godinu</i></li><li>➤ <i>Izvjestaj o radu za proteklu godinu</i></li><li>➤ <i>Finansijski izvještaj sa obrazloženjem</i></li><li>➤ <i>Realizirani programi – projekti iz prethodne godine</i></li></ul>

**\*Programi – projekti treba da sadrže:**

- *Naziv i opis projekta – programa*
- *Jasne ciljeve projekta – programa koji će biti postignuti*
- *Vrste aktivnosti koje će se provesti da bi se postigli ciljevi*
- *Metode rada i očekivani rezultati*
- *Ciljne grupe*
- *Područje implementacije projekta*
- *Trajanje projekta*
- *Potrebna sredstva za predloženi projekat*
- *Dinamika utroška sredstava*
- *Drugi izvori finansiranja*

**Potpis ovlaštenog lica**

.....